

痘科扼要

痘科扼要
全卷

附布種痘法
附痘科藥性全集

葛番

痘中緊要藥性二十二味

人參氣分藥也味甘氣溫氣味俱薄浮而升陽也入手
天陰肺經足太陰脾經益元氣而和中補五臟生津
液止渴安神健脾托裡排膿治痘之聖藥非此莫能
保元氣之大本補上焦元氣升麻爲之使補下焦元
氣茯苓爲之使慎用于三日之前熱症忌用

黃芪氣分藥也味甘氣溫平氣薄味厚可升可降陰中
陽也入手少陽三焦手太陰肺足太陰脾畏防風得
防風其功愈大益相畏而相使也補元氣而益腎溫

肉分而寔肌補肺氣寔皮毛善治脾胃虛弱止虛汗
去肌熱治痘用此表裏賴之宜行王道前几日生用
後几日灸用痘瘡四支不起不灌桂枝煎酒浸透用
官桂氣分藥也味辛甘大熱體輕而上行浮而升陽也
入手少陰經桂枝入足太陽經通榮衛開腠理以固
肌表和氣血而散風寒發表之要藥治痘賴其鼓舞
上行以開榮衛黃芪借其力以達于表痘子手足發
不透者用桂枝引經痘瘡寒戰咬牙者宜多用內虛
腹痛用肉桂皆刮去皮用桂宜不薄不厚者爲佳

熱症及痘後作痒者忌用妊娠出痘者禁用能墮胎
扶苓氣分藥也味甘淡氣溫平氣味俱薄能升能降陽
中之陰也白者入手太陰足太陽少陽赤者入足太
陰手少陽少陰補中氣用白利小便利用赤能利竅而
去濕止渴而生津治痘不可過用恐致下滲之失

白朮味甘氣溫可升可降陰中陽也入足陽明胃足太
陰脾主溫中強脾胃進飲食而退熱止下瀉治嘔吐
利小便而去濕痘中不可多用痘瘡發泡浸淫者宜
多用起脹灌膿時慎用恐利小便而耗漿亦氣分藥

也

陳皮味辛苦氣溫氣薄味厚可升可降陽中陰也能和中補脾消痰行滯氣止嘔治痘專于痰涎之壅盛者氣發于泡者加之亦氣分藥也

五味子氣分藥也味辛酸氣溫味厚氣輕陰中微陽也入手太陰肺足少陰腎主咳逆上氣降煩熱生津止渴補肺氣滋陰益腎治痘渴甚者宜用

木香氣分藥也味辛苦氣溫微熱味厚陰中陽也能調諸氣而破堅散肺中滯氣和脾胃止痢後重凡痘出

不快者用順氣行毒而痘出自快頂陷可起治痘平氣止瀉不可缺但不可多用恐瀉氣熱症忌用

肉荳蔻氣分藥也味苦辛氣溫陽也入手陽明大腸經主內虛泄瀉痢疾能止霍亂而溫中治積冷而止瀉痘瘡寒戰咬牙胃寒吐逆泄瀉之要藥

糯米氣分藥也味甘氣溫升也陽也治痘專溫脾胃之中氣不使毒內攻制紫草之餘寒不使傷胃

陳黃米氣分藥也味甘氣溫升也陽也治痘耑扶穀氣以助胃氣益真氣而和胃氣凡痘瘡瀉渴甚者可炒

熟煮湯飲之

生姜味辛氣微溫氣味俱輕升也陽也益脾胃散風寒
治痰嗽止嘔吐助陽發表治痘之不可缺以其助參
芪之力宜老而鮮者爲佳痘不起發色灰白者用起
發光壯紅綻者不宜用亦氣分藥也

當歸血分藥也味辛甘氣溫氣味俱輕可升可降陽也
入手少陰心足太陰脾厥陰肝治痘賴以助血歸附
氣位必加白芍以佐之血熱者用尾血虛者用頭身
俱酒洗過用

川芎血分藥也味辛氣溫氣厚味薄浮而升陽也入手
少陽足厥陰經能走而發散助清氣而升頭目引參
芪以補元陽同當歸治血虛與血滯治痘爲引導上
升之使

白芍味苦酸氣微寒氣薄味厚可升可降陰中之陽入
手足太陰經能健脾而補表止腹痛而收陰治痘血
散而不歸賴此收之而附氣亦血分藥也

麥門冬血分藥也味甘微苦氣平微寒陽中絅陰入手
太陰肺經治心肺熱補心氣而生脉清肺火而生津

及治血妄行主口乾燥渴除煩痘無膿者可用用必
溫水浸去心

黃連解毒藥也味苦氣寒味厚氣薄可升可降陰中陽
也入手少陰心經能瀉心火止驚悸止燥渴調胃厚
腸除脾胃中濕熱治痘瘡解熱毒退臉赤痘後目腫
下痢皆不可缺

荊芥解毒藥也味辛苦氣溫陰中之陽能除風熱而消
毒清肌表而和咽辟邪氣通利血脉傳送五臟能發
汗治痘退壅腫解餘毒不可無此痘出不快不透者

必用之藥

甘草解毒藥也味甘氣平生寒熱溫陽也入足厥陰太陰少陰經主五臟六腑寒熱邪氣解百藥毒生用大瀉熱火熟用補三焦元氣健脾胃而和中養血補血治痘用此分理陰陽佐正君臣之道

紫草解毒藥也味苦氣寒利九竅通水道補中氣制諸邪治痘心經有熱閉塞不通氣血凝滯而毒盛色紫用此涼心開竅使痘發越而易起也亦不可多用恐利大便

牛蒡子解毒藥也味辛苦氣溫平能潤肺而散氣清咽
喉而退腫治痘解餘毒起頂不可缺少之藥微炒研
碎用

山查肉解毒藥也味甘酸氣溫平陰中之陽消食積化
結氣健胃脾又發痘消滯血蒸熟去核曬乾用

治痘藥須炮製

凡治痘者固貴謹其始終而藥品尤不可不精爲炮製
使一念少忽爲害滋大可不慎歟痘科中前後所用
解毒諸涼藥皆因毒火燥血而用入血分以涼血活

血者是以芩連梔柏花粉大黃等味必酒拌濕炒燥
大力子必炒香研碎當歸白芍生地紅花紫草丹皮
青皮之類必臨時酒洗用此要法也有熱者甘草黃
芪白芍須臨時以酒洗之虛寒者甘草炙黃芪蜜炙
白芍酒炒

方中須用藥品炮製之法

氣藥類

人參去蘆乳拌蒸得升麻補上焦之氣瀉肺中之火得
茯苓補下焦之氣瀉腎中之火肺熱者鹽水泡過用

黃芪蜜水拌炙達表行滯酒炒補腎及崩帶鹽水炒
白朮米泔浸炙切片蜜水拌勻炒令褐色補脾土炒
官桂卽肉桂薄者忌見火刮去粗皮用

木香生用理氣炙用止瀉形如枯骨味苦粘牙者良
丁香味辛氣溫純陽入手太陰肺足陽明胃少陰腎凡
痘色白胃寒嘔逆瀉泄腹脹不食者必用若寒戰咬
牙足冷者與桂同用蓋丁香救裏官桂發表也非此
痘不可用去丁蓋孔子不可見火

肉苳蔻麪裏煨去油忌鉄又糯米粉裏煨去粉用

五味子嗽藥生用補藥微炒

白茯苓切薄片用茯苓借松之餘氣而成得土氣最全
故能利水止瀉

陳皮去白消痰留白厚胃筋膜及蒂並去之

青皮味苦辛氣微寒氣味俱厚沉而降陰也入手少陽
主焦足厥陰肝散滯氣瀉肝氣消食破積澀水洗淨
切開去穰剉碎曬乾用治痘瀉肝邪令不成水泡而
作瘳也

乾姜味辛氣大熱氣味俱厚可升可降陽中陰也能溫

脾理中止吐瀉去臟腑沉寒生用發諸經之寒炮用
泡令胖鬆爲度

生姜能殺半夏之毒

蒼朮味苦甘辛氣溫味厚氣薄陰中陽也入足陽明胃
足太陰脾主除惡氣辟疫癘健脾安胃寬中進食發
汗痘瘡溼痒及不結痂者宜用之宜房中常燒以辟
不正之氣堅寔中白淨者米泔浸透去皮曬乾研芝
蔴拌蒸三次用

麻黃味苦甘氣溫氣味俱薄陽也升也入手太陰肺足

太陽膀胱手少陰心陽明太腸經發散風寒泄衛寔
去榮中寒凡痘出遲黑陷倒靨者宜用陳久者佳去
根節根節止汗煮數沸掠去沫沫令人煩酒蜜各半
浸良久微炒用

白芷味辛氣溫氣味俱輕陽也主一切瘡症排膿止痛
內托生肌通行手足陽明經凡痘瘡發表及潰爛者
手足發癰者宜用擇白而堅寔者用虫蛭肉黑者俱
不可用

天附子味辛甘大熱其性走而不守可升可降陽也補